

Agir fauls ed arbitrari el sistem da pussonza

Ina producziun dramatica remarcabla dall'Uniun da teater da Valendau

■ La Grappa da teater da Valendau gioga la cumedia «Herr Puntila und sein Knecht» da Bertold Brecht sut la reschia cumprovada dad Arthur Bühler. Il toc ei cungiug cun numerusas burlescas, seigi quei en canzuns, poesia ni prosa. Las descripziuns dalla truscha quotidiana sin in bein puril ein plein tucas e teccas, beffas e leffas. Puntila (*Thomas Buchli*) ei in purun cun bia muaglia ed el ha gronda pussonza sin sia fumeglia. Siu cumportament ei signaus digl alcohol. Siu manischunz e fumegl Matti (*Hans-Andrea Buchli*) ei siu ferm antipod. Il toc sedistingua entras sias raquintaziuns poeticas. Scadina episodica spiritusa vegn denton cuvretga d'ina cascada da plaids dil Puntila ch'ei eivers sc'ina mella. Ses votums ein plein cuntradiziuns che vegnan magari era accumpignadas d'intermezzos cuorts e pregnants dil manischunz Matti.

Tuppada e sabientscha vegnan stuchadas vidaneu, aschia ch'il publicum piarda siu regl da rir cu ins percorsa siu messadi politic. Il foss denter glied paupra e glied beinstonta ei l'essenza da quei toc. La distanza denter las differents classas socialas ei impurtanta. Il patrun sa denton selubir da tuttas sorts intimitads e giugs cun sias fumitgasas e ses fumegls. Sulet Matti po tener petg a siu patrun, el vul numnadamein sez daver tar signur e patrun, quei che reussescha la finala era bunamein.

Senza terren, paupers e sbittaus

Figuras ch'han ni furs ni daners cumparan sin fier e rogan per lavur. Fumitgasas lavuran sco sclavas sil bein puril. La scenaria ualti spartana reflectescha e sustegn la caracterisaziun dallas acturas e dils acturs. Il patrun Puntila provochecha e raccolta ton admiraziun sco spréz da sia glied. Igl alcohol fa vegnir el prest populars, l'abstinenza dirs ed incalculabels. Aschia gioga el in giug dubius cul spusalez da sia feglia Eva (*Leonie Bandli*).



Ils acturs principals: Thomas Buchli, Leonie Bandli e Hans-Andrea Buchli.

FOTO E. BARDILL

li). La humiliaziun dallas fumitgasas e da sia suletta feglia ein senza paregl e representan in pievel sut il giuv dalla sclavaria ch'ei senza speranza ch'ei detti ina migliur.

Ella glisch dall'intuiziun e dalla verdad

L'inscenaziun dalla Grappa da teater da Valendau satisfà cumpleinamein alla tensiun denter intuiziun e verdad. Las tiradas retoricas vegnan interruttas da canzuns che procuran per ina concentratiun aunc pli ferma dalla cumedia tragica.

Leonie Bandli ei el toc la feglia Eva ed ella surpren era la part dalla solista accumpignada da *Martin Valär* agl accordeon. La rolla dubla ei sco scretta aposta per ella. A moda concentrada, pregnant, movibel ed agil, curaschus e gagliard e bein cudischida cul lungatg da tribuna dat ella al toc ina tarlischur tut speciala. Acturs principals, denton era in e scadin che se presenta sin tribuna dat il meglier pusseivel per la reussida. Scenaria, tecnica, maseca sco era igl entir equipament arrundan quei spitachel dramatic profund e da tempra singulara.

Davart ils auturs

Bertold Brecht (1898–1956) ha evenimentau sco giuvenot il temps dalla revoluziun d'october en Russia e l'epoca avon, duront e suenter la Secunda Uiera mundiala ch'ei stada signada da midadas guerrilas en nosa societad.

Bertold Brecht ei naschiu e carschiu en ina casa paterna beinsituada ed en ina famiglia beinstonta, el center dalla schientscha burgheisa culla etica da lavur dil mistergner.

Gia baul ha el pigliu surasenn enviens la glied da sia classa. Rufinadadad ed

agir a moda politica ha el empriu da giuven ensi.

Ellas historias da Brecht dat ei buca soluziuns che vesan ora bein. Ton ils humans sin tribuna sco il publicum vegnan relaschai persuls. La confruntaziun culla tema, culla humiliaziun ed ils fatg bruts, tucan tier il messadi da Brecht.

Las representaziuns han liug: ils 21, 22, 23 da fevrer mintgami allas 20.15 ella halla plurivalenta da Valendau. Reservaziuns mintga di dallas 17.30 entochen allas 18.30 per telefon 079 651 45 15.

Elisabet Bardill/mc

CUORSA LIUNGA

Lena Kropf ha gudignau tier las junioras a Zernez

(anr/hh) *Lena Kropf* dil Club da skis Trun ha gudignau la fin dall'jamna la concurrenza dallas junioras dalla 51 avla cuorsa liunga populara a Zernez che quenta medemamein pil Raiffeisen Cup nordic. Ella ha distanziau la concurrenza per 38 secundas e dapli sin la distanza da 7,5 kilometers. In plaz da podest, numnadamein il tierz rang, ha *Niculina Nuffer* dil Club da skis Sedrun-Tujetsch contonschiu ella categoria dallas giuvnas sut 16 onns. Sin la distanza da tschun kilometers ha ella piars 39 secundas sin la victura *Marina Kälin* da Samedan. Ella categoria

dils giuvens sut 16 onns ei *Jon-Fadri Nuffer* da Sedrun daventaus siatavel ed ella categoria dils juniors (sut 20 onns) ei *Fadri Schmid*, medemamein da Sedrun, vegnius sco tschunavel all'arrivada. En quella categoria ha ei giu num absolver 15 kilometers. Il bien quart rang ha *Tylan Michel* da Trinnordic contonschiu ella categoria dils buobs sut 12 onns e tier las mattaschas sut 14 onns ei *Eliane Cathomen* da Sedrun daventada 11 avla. Il 14avel rang ha *Matia Friberg*, medemamein da Sedrun, contonschiu ella categoria dils buobs sut 14 onns.

Hotel 7132 a Val tschertga nov directur

■ (cp) L'actual directur *Roman Frauchiger* ch'ha cumenzà ses engaschi da directur il schaner 2018 banduna l'hotel da tschintg stailas suenter gnanc dus onns. Il directur general è responsabel per l'hotel da tschintg stailas «7132» e per l'hotel da quatter stailas «House of Architects». Cura che l'actual directur general *Frauchiger* banduna il manaschi n'è betg enconuscent. I n'è era betg enconuscent sche *Carmen Gutknecht*, la partenaria da *Roman Frauchiger*, ban-

duna medemamein l'hotel. Ella è la substituta dal directur. Sin dumonda dad RTR n'ha l'hotel 7132 dà naginas infurmaziuns. *Frauchiger* ha cumenzà ses engaschi tar l'hotel 7132 a Val il fanadur 2017. Avon è l'um da 37 onns tranter auter stà vicedirectur en l'hotel Eden au Lac a Turitu u manader da fatschenta da l'hotel Le Grand Bellevue a Gstaad. Tge post che *Frauchiger* surpiglia suenter ses engaschi a Val n'è betg enconuscent.

SST mini per la tiarza e quarta

Ils pli giuvens ein semesirai la dumengia vargada a Laax

■ (anr/ac) La fin dall'jamna vargada han skiunzas e skiunzs dallas annadas sut nov ed endisch onns absolviu duas cuorsas el rom dil *Menzli Sport SST mini cup 2019*. Ei s'extra da in slalom minikipp ed ina cuorsa cumbinada. Skiunzas e skiunzs dalla Surselva ein pli u meins stai denter els la dumengia vargada a caschun dallas duas cuorsas organisadas dalla cuminonza da cuorsa da Laax sin il Crap Sogn Gion.

Ell'emprema cuorsa, in slalom en festa flexibla cuorta, han las curridras da Sursaiusa e Laax dominau claramein ella categoria sut nov onns. Auter ei la situaziun sepresentada ella rangaziun dils buobs ella medema categoria e cuorsa. Ils treis emprems plazs han ils curriders dils clubs Lumnezia e Vuorz occupau avon Flem e Sursaiusa.

La rangaziun en quella categoria ei en omisduas cuorsas identica. Alla testa anflan ins *Léan Bundi* e *Curdin Cathomas*. Il medem maletg se presenta era tier las mattaschas dalla categoria U11.

Ton *Lara Bianchi* sco emprema e *Smilla Rüfenach* sco secunda han dominau la concurrenza en omisduas cuorsas. En las ulteriuras categorias e cuorsas ha ei bein dau mintgami entgina midada al tgamun dalla rangaziun.

Las fermas curridras ed ils fermes curriders ein denton d'anflar cuntinuadamein davontier ella rangaziun ton dil slalom sco ella cuorsa cumbinada.

Rangaziun emprema cuorsa (slalom)

Mattaschas U9 (23 rangadas): 1. Luana Schneider, Laax: 45.07. 2. Fiona Mirer, Sursaiusa: 46.37. 3. Vivienne Oehy, Laax: 47.48. 4. Mia Vogt, Sursaiusa: 47.65. 5. Soé Bianchi, Sursaiusa: 47.98.

Buobs U9 (18 rangai): 1. Léan Bundi, Lumnezia: 44.75. 2. Curdin Cathomas, Vuorz: 44.98. 3. Silas Caduff, Lumnezia: 45.03. 4. Séverin Huber, Crap da Flem: 45.14. 5. George Smith, Crap da Flem: 45.82.

Mattaschas U11 (18 rangadas): 1. Lara Bianchi, Sursaiusa: 38.72. 2. Smilla Rüfenach, Laax: 39.52. 3. Agnes Nisillon, Oberägeri: 42.07. 4. Gianna Gfeller, Laax: 42.64. 5. Nellie Reiser, Oberägeri: 44.83.

Buobs U11 (33 rangai)
1. Finn Kretz, Sursaiusa: 37.90. 2. Leandro Schmid, Val: 39.73. 3. Luca Westbrook, Crap da Flem: 40.19. 4. Nico Innauen, Crap da Flem: 40.43. 5. Jannis Lutz, Mustér: 40.67.

Rangaziun secunda cuorsa (cumbinada)

Mattaschas U9 (22 rangadas): 1. Soé Bianchi, Sursaiusa: 51.12. 2. Mia Vogt, Sursaiusa: 52.16. 3. Luana Schneider, Laax: 52.76. 4. Fiona Mirer, Sursaiusa: 53.98. 5. Vivienne Oehy, Laax: 54.26.

Buobs U9 (26 rangai): 1. Léan Bundi, Lumnezia: 48.73. 2. Curdin Cathomas, Vuorz: 50.01. 3. George Smith, Crap da Flem: 50.15. 4. Lian Loretz, Mustér: 51.30. 5. Séverin Huber, Crap da Flem: 51.59.

Mattaschas U11 (18 rangadas): 1. Lara Bianchi, Sursaiusa: 44.62. 2. Smilla Rüfenach, Laax: 46.47. 3. Sascha Mikyska, Laax: 48.69. 4. Caitlin Cameron, Laax: 49.12. 5. Agnes Nisillon, Oberägeri: 49.36.

Buobs U11 (41 rangai): 1. Nico Innauen, Crap da Flem: 44.85. 2. Julian Ziltener, Crap da Flem: 45.03. 3. Finn Kretz, Sursaiusa: 45.32. 4. Luca Westbrook, Crap da Flem: 45.77. 5. Leandro Schmid, Val: 46.01.



Ils emprems treis dalla cuorsa cumbinada dalla dumengia vargada ella categoria U9: Sigl emprem rang Léan Bundi avon il secund Curdin Cathomas e George Smith sil tierz rang.

MAD